

Lajčák sa Kolegijem Parlamentarne skupštine BiH: Parlament mora deblokirati reforme



Visoki predstavnik EU Miroslav Lajčák danas se u Sarajevu sastao sa Kolegijima oba doma Parlamentarne skupštine Bosne i Hercegovine kako bi ih upoznao sa procesom imenovanja nasljednika, stanjem ispunjenja uvjeta potrebnih za tranziciju OHR-a te kako bi dodatno naglasio značaj bržeg provođenja reformi u vezi sa preuzetim obavezama na evropskom putu.

Trenutni zastoј po pitanju euro-integracijskih procesa predstavlja veliki problem. Prošle godine BiH je usvojila samo sedam zakona u vezi sa prioritetima evropskog partnerstva. "Ova godina će biti od apsolutne važnosti da se vidi da li će BiH ostati na putu EU integracija ili će ispasti iz grupe zemalja regiona koje se kreću prema Europskoj uniji", upozorio je visokipredstavnik Miroslav Lajčák.

Visokipredstavnik također je naglasio da je pitanje tranzicije OHR-a pitanje koje je odvojeno od imenovanja novog visokog predstavnika. Vijeće za implementaciju mira (PIC) će proces tranzicije razmatrati samo kada budu ispunjeni svi uvjeti koje je PIC postavio na zasjedanju u februaru 2008. godine. "Vrijeme je da BiH pokaže političku zrelost i prihvati ulogu ravnopravnog partnera sa EU. Nadam se da će parlament dati

puni doprinos kada ono što je dogovoreno, od Pruda do Banja Luke, u formi zakonskih prijedloga, dođe u Parlament”, istakao je Lajčák.

Na kraju sastanka, visokipredstavnik je apelirao na čelnike Parlamentarne skupštine BiH da što prije usvoje Strategiju za provođenje Aneksa 7 te da prilikom razmatranja amandmana na Zakon o državnoj službi ozbiljno uzmu u obzir evropske preporuke i stavove.